

## Schnitzelbank für Werner Suter

vorgetragen von den Schülerinnen und Schüler der 5. und 6. Klasse

- Ref. Jupeidi und jupeida,  
dä Suter isch scho sehr lang do,  
jupeidi und jupeida,  
jetzt wott er eifach go
1. Dä jungi Lehrer – än schönä Maa, jupeidii und jupeida,  
zeigt dä Schüäler – so will ichs haa, jupeidi heida  
z'lösä gits so mängä Chnopf,  
ohni d'Frau wär da än armä Tro-opf.
  2. Rächnä, läsä und au schriibä, ...  
Mängi müänd do drunder lidä, ...  
Zum Glück hät viel Geduld dä Herr,  
und isch zu allnä Schüeler fair.
  3. Sin Zeigestaab, dä isch famos, ...  
goht niä kaputt, seit er no gross, ...  
bim Franz büffle und konjugirä,  
goht futsch dä Staab - dass da mue passierä!
  4. Viel händ d'Ufzgi wieder nid gmacht, ...  
sodass im Herr Suter dä Chragä bald kracht, ...  
dä Schlüssel go holä muämä gschwind,  
dass äs kei Ströfzgi giit für das Chi-ind.
  5. Wenn mä ihn mol gfrogät hät, ...  
was er denn gärn ässä tät, ...  
Schwarzwäldertortä isch halt guet  
Wenn's au s'Büüchli rundä tuet....
  6. Alli händ scho d'Grippä gha, ...  
Schnudderäd, was mä schnudderä cha, ...  
Mir möchtäd ihn so gärn aasteckä,  
doch er blibt gsund, er isch en keckä.
  7. Vierzg Johr schaffä, vo fruä bis spoot, ...  
mir frogäd üs wiäs wiiter goht, ...  
verbii isch jetzt diä Rackerei,  
bei Bricht und kei Zügnis me, ju-hei.
  8. Passé le français, envol adieu, ...  
Nieme Dreisätz rächnä, isch schöö, ...  
De Wecker schällät nüm am Morgä,  
Usschlofä, Rentä kassierä und kei Sorgä.
  9. Für d'Lehrerzyt in Gächlingä, ...  
Tüend mir ihm das Liädli singä, ...  
Mir dankäd ihm mit Applaus zum Letschte  
und wünschted ihm für Zuekunft s'Beschte!
- Ref. Jupeidi und jupeida,  
dä Budi isch scho sehr lang do,  
jupeidi und jupeida,  
jetzt wott er eifach go